

სამოსამართლო გამოცდილების არმქონე მოსამართლეობის კანდიდატის შეფასების ფორმა

მოსამართლეობის კანდიდატის *ჯემალ გელოვანის* შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით		
მოსამართლეობის კანდიდატი არ აკმაყოფილებს კეთილსინდისიერების კრიტერიუმს		<input type="checkbox"/>
მოსამართლეობის კანდიდატი აკმაყოფილებს კეთილსინდისიერების კრიტერიუმს		<input type="checkbox"/>
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს		<input checked="" type="checkbox"/>
მოსამართლეობის კანდიდატის შეფასება კომპეტენტურობის კრიტერიუმის მიხედვით		
კრიტერიუმი	მიღებული ქულა	მაქსიმალური ქულა
სამართლის ნორმების ცოდნა	22	25
სამართლებრივი დასაბუთების უნარი და კომპეტენცია	22	25
წერისა და ზეპირი კომუნიკაციის უნარი	18	20
პროფესიული თვისებები	13	15
აკადემიური მიღწევები და პროფესიული წვრთნა	7	10
პროფესიული აქტივობა	3	5
<b>ქულათა ჯამი</b>	<b>85</b>	<b>100</b>

ირაკლი ბონდარენკო:



თარიღი: 09.12.2024



## საქართველოს იუსტიციის უმაღლესი საბჭოს წევრი

### ირაკლი ბონდარენკო

საქართველოს რაიონული (საქალაქო) სასამართლოების მოსამართლეობის კანდიდატთა შესარჩევ კონკურსში მონაწილე კანდიდატის ჯემალ გელოვანის შეფასება/დასაბუთება

საქართველოს იუსტიციის უმაღლესი საბჭოს 2024 წლის 17 ოქტომბრის №1/115 განკარგულების საფუძველზე დაიწყო კონკურსი საქართველოს საერთო სასამართლოებში 38 ვაკანტურ თანამდებობაზე მოსამართლეთა დანიშვნის მიზნით.

კონკურსის ფარგლებში განვახორციელე კანდიდატ **ჯემალ გელოვანის** შეფასება. შეფასების დასაბუთებისას ვიხელმძღვანელე „საერთო სასამართლოების შესახებ“ საქართველოს ორგანული კანონის 35-ე მუხლის მე-3 და 34<sup>1</sup> მუხლის მე-11 პუნქტებით.

კანდიდატს აქვს უმაღლესი იურიდიული განათლება (მაგისტრი), სპეციალობით მუშაობის 6 წლიანი გამოცდილება.

აღნიშნული გარემოების გათვალისწინებით, კანდიდატი შევავასე სამოსამართლო გამოცდილების არმქონე კანდიდატის შეფასებისთვის ორგანული კანონით დადგენილი მახასიათებლებით, საბჭოს სტრუქტურული ერთეულის მიერ მოპოვებული ინფორმაციისა და კანდიდატის საჯარო მოსმენის პროცესში გამოვლენილი პიროვნული და პროფესიული თვისებების გათვალისწინებით.

#### 1. კანდიდატის შეფასება კეთილსინდისიერების კრიტერიუმით

სამოსამართლო გამოცდილების არმქონე კანდიდატის კეთილსინდისიერების კრიტერიუმით შეფასებისას მხედველობაში მიიღება 35<sup>1</sup> მუხლის მე-16 პუნქტით დადგენილი მახასიათებლები: პიროვნული კეთილსინდისიერება; პროფესიული სინდისი; დამოუკიდებლობა; მიუკერძოებლობა და სამართლიანობა; პიროვნული და პროფესიული ქცევა; პიროვნული და პროფესიული რეპუტაცია.

#### 1.1. პიროვნული კეთილსინდისიერებისა და პროფესიული სინდისის მახასიათებლით კანდიდატის შეფასებისას გათვალისწინება პირის როგორც მოქალაქის – კეთილსინდისიერება, მოვალეობებისა და პასუხისმგებლობის პატიოსნება, შესაბამისი

შეგნება, გამჭვირვალობა, კორექტულობა და სიზუსტე სამსახურებრივი თუ სხვა მოვალეობების, ფინანსური თუ სხვა ვალდებულებების შესრულებისას (მაგალითად, ქონებრივი დეკლარაციის შევსებისას, ბანკის ან სხვა ვალის, კომუნალური ან სხვა გადასახადის გადახდისას, საგზაო მოძრაობის წესების დარღვევისათვის ჯარიმის გადახდისას) და სხვა.

**ჯემალ გელოვანს** რეკომენდატორები და სხვა გამოკითხული პირები ახასიათებენ როგორც კეთილსინდისიერ, პრინციპულ, ერთგულ, საქმის პროფესიონალ, თავდაჯერებულ, ტაქტიან პიროვნებას.

კანდიდატს აქვს მიმდინარე სესხი, აქვს დადებითი საკრედიტო ისტორია, ხოლო სახელმწიფო ბიუჯეტის მიმართ დავალიანება არ ერიცხება. კანდიდატის სახელზე რეგისტრირებულია უძრავი ქონება (ბინა 75.95 კვ.მ, 48,3 კვ.მ. და ავტოფარეხი 14,5 ქ. თბილისი), უძრავი ქონების რეესტრში არსებული ინფორმაცია შესაბამისობაშია ქონებრივი მდგომარეობის დეკლარაციასთან.

საქართველოს შინაგან საქმეთა სამინისტროს საინფორმაციო-ანალიტიკური დეპარტამენტიდან გამოთხოვილი ინფორმაციის თანახმად, კანდიდატის სამართალდამრღვევთა ერთიან საინფორმაციო ბანკში არ ირიცხება.

ქალაქ თბილისის მუნიციპალიტეტის ტრანსპორტისა და ურბანული განვითარების სააგენტოდან გამოთხოვილი ინფორმაციის თანახმად, კანდიდატის სახელზე გამოცემული ქვითარი არ ფიქსირდება.

## 1.2. დამოუკიდებლობა, მიუკერძოებლობა და სამართლიანობა

აღნიშნული მახასიათებლით კანდიდატის შეფასებისას გაითვალისწინება მისი პრინციპულობა, გადაწყვეტილების დამოუკიდებლად მიღების უნარი და ზეგავლენის მიმართ მედეგობა, პიროვნული სიმყარე და შეუვალობა და სხვა.

კანდიდატთან საქმიან ურთიერთობაში მყოფი პირების შეფასებით **ჯემალ გელოვანს** ახასიათებენ როგორც, კეთილსინდისიერ, პრინციპულ, ერთგულ, საქმის პროფესიონალ, თავდაჯერებულ და ტაქტიან პიროვნებას. გამოკითხული რესპოდენტები მიუთითებენ, რომ კანდიდატი სრულად აკმაყოფილებს კეთილსინდისიერების კრიტერიუმს და აფასებენ ძალიან კარგად.

კანდიდატი არასდროს ყოფილა პოლიტიკური პარტიის წევრი/მხარდამჭერი და შემომწირველი.

მოძიებული ინფორმაციისა და საჯარო მოსმენისას კანდიდატს არ გამოუვლენია რაიმე სახის მიკერძოებული დამოკიდებულება რომელიმე კონკრეტული ჯგუფის მიმართ.

## 1.3. პიროვნული და პროფესიული ქცევის მახასიათებლით კანდიდატის შეფასებისას გაითვალისწინება მისი კორექტულობა კოლეგებსა და სხვა პირებთან ურთიერთობისას, თავდაჭერილობა, საკუთარი ემოციების მართვის უნარი, სასამართლოში წარმართული

დავები, სადაც იგი მონაწილეობდა როგორც მხარე, მის მიმართ სისხლისსამართლებრივი ბრალდება (ასეთის ფაქტების არსებობის შემთხვევაში) და სხვა. საჯარო მოსმენისას მიღებული შთაბეჭდილება.

მომიებული ინფორმაციის თანახმად, კანდიდატის მიმართ დისციპლინური დევნა არ დგინდება.

რესპოდენტების შეფასებით, კანდიდატი გამოირჩევა კეთილსინდისიერებით, პასუხისმგებლობის მაღალი გრძნობით, ზრდილობით, მოწესრიგებულობით. არის გაწონასწორებული და გონებაგახსნილი, ტაქტიანი და ზრდილობიანი, ეფექტურად მართავს ემოციებს. კანდიდატის თაობაზე მომიებული ინფორმაციით დგინდება, რომ ჯემალ გელოვანის მიმართ დაზარალებულად ცნობათან დაკავშირებით ინფორმაცია არ იძებნება, იგი არ ყოფილა წარმოდგენილი სასამართლო დავაში მხარედ.

**1.4. პიროვნული და პროფესიული რეპუტაციით** კანდიდატის შეფასებისას გაითვალისწინება მისი საქმიანი, მორალური რეპუტაცია და ავტორიტეტი იურიდიულ წრეებსა და საზოგადოებაში.

კანდიდატს რეკომენდატორები და გამოკითხული პირები ახასიათებენ საუკეთესოდ, დადებით პიროვნებად. იგი სარგებლობს კარგი რეპუტაციით. ჯემალ გელოვანის შესახებ ინტერნეტ სივრცეში ინფორმაცია ვერ იქნა მომიებული.

კანდიდატი კეთილსინდისიერების კრიტერიუმის ყველა მახასიათებლით შემოწმებისას შეეფასა სრულად დადებითად. შესაბამისად, მიმაჩნია, რომ **ჯემალ გელოვანი სრულად აკმაყოფილებს** კეთილსინდისიერების კრიტერიუმს.

**2. მოსამართლეობის კანდიდატის შეფასება კომპეტენტურობის კრიტერიუმის მიხედვით.**

სამოსამართლო გამოცდილების არქონე კრიტერიუმით საქართველოს რაიონული (საქალაქო) სასამართლოს მოსამართლის შესარჩევ კონკურსში მონაწილე კანდიდატის შეფასებისას მხედველობაში მიიღება ორგანული კანონის 35<sup>1</sup> მუხლის მე-16 პუნქტით დადგენილი შემდეგი მახასიათებლები: სამართლის ნორმების ცოდნა; სამართლებრივი დასაბუთების უნარი და კომპეტენცია; წერის უნარი; ზეპირი კომუნიკაციის უნარი; პროფესიული თვისებები, მათ შორის, ქცევა სასამართლო დარბაზში; აკადემიური მიღწევები და პროფესიული წვრთნა; პროფესიული აქტივობა.

**2.1. სამართლის ნორმების ცოდნა**

მითითებული მახასიათებლით კანდიდატის შეფასებისას გაითვალისწინება მატერიალური და საპროცესო კანონმდებლობის, ადამიანის უფლებების სამართლის, მათ შორის, ადამიანის უფლებათა ევროპული სასამართლოს პრეცედენტული სამართლის, ცოდნის დონე, აგრეთვე, კანდიდატის მიერ ჩაბარებული მოსამართლეობის საკვალიფიკაციო გამოცდის შედეგები და იუსტიციის უმაღლესი სკოლის დამოუკიდებელი საბჭოს შეფასება.

კანდიდატის მიერ წარმოდგენილი და იუსტიციის უმაღლესი საბჭოს მიერ მოპოვებული ინფორმაციის საფუძველზე, შეიძლება ითქვას, რომ კანდიდატი სიღრმისეულად ფლობს მატერიალურ და საპროცესო კანონმდებლობას, მათ შორის ადამიანის უფლებათა ევროპულ

სასამართლოს პრეცედენტულ სამართალს, არის განათლებული, გაწონასწორებული, გონებაგახსნილი ადამიანი.

კანდიდატთან გამართული საჯარო მოსმენის შედეგად, ნათელი გახდა, რომ იგი იცნობს სამოქალაქო სამართლის ნორმებს, საპროცესო კანონმდებლობას, ეცნობა კანონმდებლობაში განხორციელებულ ცვლილებებს. კანდიდატი სწორად იყენებს და აანალიზებს სამართლებრივ ნორმებს.

აღსანიშნავია, რომ **ჯემალ გელოვანს** ჩაბარებული აქვს მოსამართლეობის საკვალიფიკაციო გამოცდა (მიღებული ქულა - 77/18). ვინაიდან კანდიდატი მოსამართლეობის გამოცდილების არმქონე, მხედველობაში მიიღება იუსტიციის უმაღლესი სკოლის შეფასება, რომელიც დადებითია.

დამოუკიდებელი საბჭოს შეფასებით, „*სამოქალაქო სამართალში* - ჯემალ გელოვანს, აქვს ძალიან კარგი თეორიული ცოდნა და შესაბამისად ახდენს პრაქტიკაში მის გამოყენებას. აქვს სამართლებრივი ანალიზის კარგი უნარი. არგუმენტირებული და დახვეწილი სამართლებრივი მსჯელობა. *ადმინისტრაციულ სამართალში* - ჯემალ გელოვანი, გამოირჩევა ადმინისტრაციული სამართლის თეორიული ცოდნით. ასევე შეუძლია პრაქტიკაში მისი ეფექტური გამოყენება. აქვს სამართლებრივი ანალიზის კარგი უნარი, შეუძლია არგუმენტირებული და დახვეწილი სამართლებრივი მსჯელობა, მის მიერ მომზადებული სასამართლო აქტების პროექტები წერილობით სწორად და თანმიმდევრულად არის ჩამოყალიბებული. ასევე, შეუძლია ზუსტად განსაზღვროს დავის საგანი და წამოჭრას ისეთი საკითხები, რომლებიც ხელს უწყობს დავის სწორად გადაწყვეტას. რეკომენდირებულია მან იმუშაოს ადმინისტრაციული სამართლის სპეციფიკური საკითხების უფრო სიღრმისეულ შესწავლაზე, რაც მას გამოადგება პრაქტიკულ საქმიანობაში. *სისხლის სამართალში* - ჯემალ გელოვანს, აქვს ძალიან კარგი თეორიული ცოდნა, აქვს სამართლებრივი ანალიზის კარგი უნარი. არგუმენტირებული და დახვეწილი სამართლებრივი მსჯელობა. შეუძლია სამართლებრივი არგუმენტების მოძიება, მათი ერთმანეთთან სწორად დაკავშირება და შესაბამისი დასკვნის გამოტანა. მის მიერ მომზადებული გადაწყვეტილებების პროექტები წერილობით სწორად და თანმიმდევრულად არის ჩამოყალიბებული. რეკომენდირებულია მან იმუშაოს დროის მართვის და კონცენტრაციის უნარების უფრო მეტად განვითარებაზე

ყოველივე ზემოაღნიშნულის გათვალისწინებით, მიმაჩნია, რომ **ჯემალ გელოვანს** უნდა მიენიჭოს მაქსიმალური **25 ქულიდან 22 ქულა**.

**2.2. სამართლებრივი დასაბუთების უნარი და კომპეტენციის** მახასიათებლით კანდიდატის შეფასებისას გაითვალისწინება მისი ანალიტიკური აზროვნების უნარი და პროფესიული გამოცდილება.

კანდიდატს გააჩნია ძალიან კარგი თეორიული ცოდნა, აქვს სამართლებრივი ანალიზის კარგი უნარი, არგუმენტირებული და დახვეწილი სამართლებრივი მსჯელობა. აქვს უნარი ზუსტად განსაზღვროს დავის საგანი და წამოჭრას ისეთი საკითხები, რომლებიც ხელს უწყობს დავის სწორად გადაწყვეტას. ახალ ინფორმაციას და მასალას ადვილად ითვისებს და აანალიზებს. მის მიერ მომზადებული გადაწყვეტილებების პროექტები წერილობით სწორად და

თანმიმდევრულად არის ჩამოყალიბებული. საჯარო მოსმენის პროცესზე კანდიდატმა არსებითად სწორად იმსჯელა სხვადასხვა სამართლებრივ საკითხზე.

ყოველივე ზემოაღნიშნულის გათვალისწინებით, მიმაჩნია, რომ, **ჯემალ გელოვანს უნდა მიენიჭოს მაქსიმალური 25 ქულიდან 22 ქულა.**

**2.3. წერის უნარის და ზეპირი კომუნიკაციის უნარის** მახასიათებლით კანდიდატის შეფასებისას გაითვალისწინება აზრის ნათლად და გასაგებად გადმოსცემის, ლოგიკური მსჯელობისა და ანალიზის უნარი, გამართულად მეტყველების უნარი, სხვისი აზრის მოთმინებით მოსმენის უნარი, ღიაობა, განსხვავებული აზრის მოსმენის შესაძლებლობა და სხვა.

კანდიდატი აზრს გადმოსცემს ნათლად და გასაგებად, აქვს ლოგიკური მსჯელობისა და სამართლებრივი ანალიზის უნარი, შეუძლია განსხვავებული აზრის მოსმენა და გაანალიზება, მსჯელობს არგუმენტირებულად სამართლებრივი ნორმების გამოყენებით. ყურადღებას ამახვილებს მნიშვნელოვან გარემოებებზე. გამოკითხული პირები უთითებენ, რომ კანდიდატს აქვს წერის კულტურა და ზეპირი კომუნიკაციის უნარი. კანდიდატი გასაუბრებისას მშვიდად და დამაჯერებლად პასუხობდა საბჭოს წევრების მიერ დასმულ შეკითხვებს, კვალიფიციურად ასაბუთებდა საკუთარ პოზიციას, ნათლად და გასაგებად გადმოსცემდა საკუთარ მებედულებებს.

კანდიდატს არ წარმოუდგენია სამართლებრივი პუბლიკაცია ან ნაშრომი. იუსტიციის უმაღლესი სკოლის დამოუკიდებელი საბჭოს შეფასებით - ჯემალ გელოვანს შესწევს უნარი საქმის რთული გარემოებები და სამართლებრივი მსჯელობა გასაგები ენით გადმოსცეს და მნიშვნელოვანზე გაამახვილოს ყურადღება. ასევე, წერილობითი დოკუმენტი ზედმიწევნით და შინაარსობრივად სწორად ჩამოაყალიბოს. მის მიერ მომზადებული სასამართლო აქტების პროექტები შედგენილია საპროცესო დოკუმენტების შედგენისათვის დადგენილი სტრუქტურის გამოყენებით. საქართველოს იუსტიციის უმაღლესი სკოლის დამოუკიდებელ საბჭოს მიაჩნია, რომ კანდიდატმა უნდა იმუშაოს ადმინისტრაციული სამართლის სპეციფიკური საკითხების უფრო სიღრმისეულ შესწავლაზე და დროის მართვის და კონცენტრაციის უნარების მეტად განვითარებაზე.

ყოველივე ზემოაღნიშნულის გათვალისწინებით, მიმაჩნია, რომ აღნიშნული მახასიათებლით შეფასებისას, **ჯემალ გელოვანს უნდა მიენიჭოს მაქსიმალური 20 ქულიდან 18 ქულა.**

**2.4. პროფესიული თვისებების** ქცევის, მახასიათებლით კანდიდატის შეფასებისას გაითვალისწინება მისი პუნქტუალურობა, შრომისმოყვარეობა, დამოუკიდებელი აზროვნების უნარი, სტრესულ სიტუაციაში მუშაობის უნარი, მიზანდასახულობა, პროდუქტიულობა და სისწრაფე, მენეჯერული უნარ-ჩვევები და სხვა.

რეკომენდატორები ჯემალ გელოვანს ახასიათებენ შრომისმოყვარე, კომპეტენტურ, განვითარებაზე და დეტალებზე ორიენტირებულ პიროვნებად. მიუთითებენ, რომ კანდიდატს აქვს დროის ეფექტიანი მართვის უნარი.

საქართველოს იუსტიციის უმაღლესი სკოლის დამოუკიდებელი საბჭო, რეკომენდატორები და სხვა გამოკითხული პირები მიიჩნევენ, რომ კანდიდატი გამოირჩევა პასუხისმგებლობის გრძნობით და მოწესრიგებულობით.

ყოველივე ზემოაღნიშნულის გათვალისწინებით, მიმაჩნია, რომ აღნიშნული მახასიათებლით ჯემალ გელოვანი უნდა შეფასდეს განსაზღვრული მაქსიმალური 15 ქულიდან 13 ქულით.

## 2.5. აკადემიური მიღწევები და პროფესიული წვრთნა

მითითებული მახასიათებლით კანდიდატის შეფასებისას გაითვალისწინება სიახლეების მიმართ მისი ღიაობა, თვითგანვითარების უნარი, საოფისე კულტურა, ახალი ცოდნისა და უნარების შეძენის ინტერესი, პროფესიული წვრთნის პროგრამებში მონაწილეობა, შეძენილი ცოდნისა და უნარების პრაქტიკულ საქმიანობაში გამოყენება და სხვა.

ჯემალ გელოვანს მონაწილეობა აქვს მიღებული სასამართლო სისტემისა და მართლმსაჯულების საკითხებზე გამართულ სხვადასხვა ღონისძიებაში, მათ შორისაა: „სამემკვიდრეო სამართლის აქტუალური საკითხები“ - სსიპ იურიდიული დახმარების სამსახური; „საოჯახო სამართლის აქტუალური საკითხები“ - სსიპ იურიდიული დახმარების სამსახური; „ავტოსატრანსპორტო დანაშაული, ავტოსატრანსპორტო ექსპერტიზა“ - სსიპ იურიდიული დახმარების სამსახური; „შრომის სამართლის აქტუალური საკითხები“ - სსიპ იურიდიული დახმარების სამსახური; ადვოკატის დამატებითი სპეციალიზაცია ბავშვის უფლებებში - სსიპ საქართველოს ადვოკატთა ასოციაცია - ტრენინგი; ადვოკატის დამატებითი სპეციალიზაცია არასრულწლოვანთა მართლმსაჯულებაში - სსიპ საქართველოს ადვოკატთა ასოციაცია - ტრენინგი.

ყოველივე ზემოაღნიშნულის გათვალისწინებით, მიმაჩნია, რომ აღნიშნული მახასიათებლით შეფასებისას, ჯემალ გელოვანს უნდა მიენიჭოს მაქსიმალური 10 ქულიდან 7 ქულა.

## 2.6. პროფესიული აქტივობა

პროფესიული აქტივობის მახასიათებლით კანდიდატის შეფასებისას გაითვალისწინება ინიციატივის გამოჩენის უნარი, იდეებისა და წინადადებების წამოყენება, სამეცნიერო და სხვა სახის პუბლიკაციები, დამსახურება იურიდიული პროფესიისა და საზოგადოების წინაშე და სხვა.

მოძიებული ინფორმაციის თანახმად, ჯემალ გელოვანი არ ეწევა სამეცნიერო და პედაგოგიურ მოღვაწეობას.

ჯემალ გელოვანს ჩაბარებული აქვს მოსამართლის, ნოტარიუსის და ადვოკატთა (სხვადასხვა სპეციალობა ორჯერ) საკვალიფიკაციო გამოცდები;

ყოველივე ზემოაღნიშნულის გათვალისწინებით, მიმაჩნია, რომ აღნიშნული მახასიათებლით შეფასებისას, ჯემალ გელოვანი უნდა შეფასდეს მაქსიმალური 5 ქულიდან 3 ქულით.

კანდიდატის შემაჯამებელი შეფასება:

ჯემალ გელოვანი სრულად აკმაყოფილებს კეთილსინდისიერების კრიტერიუმს, ხოლო კომპეტენტურობის კრიტერიუმით შეფასებისას კანდიდატს ვაფასებ **85 ქულით, რაც მაქსიმალურ ქულათა ჯამის (100 ქულა) 85%-ს შეადგენს.**

ირაკლი ბონდარენკო



საქართველოს იუსტიციის უმაღლესი საბჭოს წევრი

09.12.2024 წელი